




۱۱ شوال سنه ۱۳۳۷

۱۰ محوز سنه ۱۳۳۵

{ منافع عامه به خادم مجموعه اسلامیه در }

نصایح قرآنیہ

عمر نصوحی

احادیث شریفہ ترجمہ سی

م . حلمی

نعت شریف

محمی الدین

جاهلیت دورئدہ نہ کی علمبر وادی؟

طاهر المولوی

طشرہ مکانیک حالہ سابق و لاحق

حافظ صبری

لڑہ لڑ ایچندہ ۱۱

ہلی طیار رشی

محل ادارہ : فاتح - اعتصام

فیثان (۵) فرہوشدر

صاحب امتیاز
احمد شیرانی
❦❦❦

اعتصم

مدیر مسؤول
احمد شیرانی
❦❦❦

❦❦❦ واعتصموا ❦❦❦

۱۱ شوال
۱۳۳۷ سنه

{ ہر پنجشنبہ کو فی نشر اول نور }

۱۰ تموز
۱۳۳۵ سنه

نصائح قرآنیہ [۱]

چکن نستعدن مابعد :

[ان الله يأمر بالعدل والاحسان . . .]

سورة النحل

— مال منینی —

[علی التحقیق اللہ تعالیٰ حضرت تباری عدل ایله] ہر شیئی مستحققہ و یرمک
وہر خصوصہ افراط و تفریطدن اجتناب ایدہرک حال اعتدالہ بولمقی ایله [واحسان
ایله] عبادات و طاعاتی لائق و جہلہ ادا و مخلوقات خدایہ حسن معاملہ ایتمک ایله [و
باخصوص [ذہی قرابتہ] محتاج اولدینی شیلری [اعسا ایله امر ایدر و فہمادان]
شرع شریفک اذندن خارج اولان لذائذ شہوانیہ فی تحصیلدن [و منکر کردن] کتاب
و سنتہ بولمیان و طبایع سلیمہ اصحابجہ خوش کورلمیان شیلردن [و بنی و ظلمدن]
ناس اوزرینہ استیلا و استعلادن [نہی ایلر . جناب اللہ] اشبو امر و نہی ابتدیکی
شیلر ایله [سزہ نصیح و پند ایدیور ، بلکہ] بولردہ کی غفقتاری ، مضر تباری

[۱] رمضان شریفک ایکنجی ، اوچنجی و درہنجی جمعہ سندن فاتح جامع شریفی کرسیندہ
و یریلان موعظہ تک خلاصہ سہدر .

دوشنورده [متنصح اولورسكنز.] باخود جناب حقم بونصح وپندی سرك متنصح اولمكزى مراد ايتديكى ايجوندر .

— مطالعه —

عمر بن عبدالعزیز حضرت تریك زمان خلافتدنبری خطبه لوده تلاوت اولنان بو آیت کریمه بر بدیهه آلهیه ، بر موعظه حسنه سبحانیه در . بو آیت معجز بیانک علویت معنویه سنی اداك ایدرهك مضمونیه عمل ایدن بر ملت؛ ابدیاً مسعود اولور ، اولمندنه هر درلو فضائل مدنیه تجلی ایدر ، هر درلو کالات اجتماعیه انکشاف تامه مظهر اولور .

باقکزا . فیاض کریم حضرت تری بو آیت جلیله سنده اولاه عدل ایلله امر ایدیور؛ شبهه یوق که عدالت ، بر نور الهیدر ، عدالت ، اسامی ملک و دولندر . عدالت دینان موهبه قدرت ، عدالت السیه ، عدالت انسانیه ، عدالت سیاسیه کی قسمله آیریلیر .

بتون کائنات ؛ عدالت السیه نك جاذبه معنویه سی سایه سنده انتظامی ، آهنگ همومیسینی محافظه ایتمکده در . بتون احرام علویه ، بتون قوای طبیعیه ده کی انتظام وانسجام ، عدالت السیه نك بر اثر بدیهه کاریدر . سہاوت وزمین بو عدالت مطلقه نك مسایه فیضنده قائمدر . اکر عالم فطرنده بر توازن قوی موجود اولماسه ایدی ؛ اکر عناصر مختلفه خلقت بیننده بر تعادل و تکافی موجود اولما یوبده کیفیت و کیمجه بر قسمی دیگرندن زائد بولنسه ایدی غالب اولان مغلوب اوزرینسه استیلا ایدرک آتی افنا ایدر ، و بتون طبایع موجوده هنصر غالبك طبیعتنه منقلب اوله رق آهنگ جموجی خلقت محو و مندرس اولوردی .

باخصوص هر کون طلوعیله عالم عضویتی وایه دارانشراح ایدن کونش ، اوزرنده یاشاد یغمز کره زمینہ شمیدی مستقرندن - که علمای هیئتجه شمسك ارضه نظر آ مساحه متوسطه سی اوتوزدرت ملیون بشپوز بیک فرسخدر - دها یقین بر مسافده بولنسه ایدی بر یوزنده سخونت تزايد ایدرهك صولر بخر ایدر ، بتون نباتات و

اشخار قورور ، بتون موجودات عضویه حیاتدن محروم قالیردی . بالکس دها
اوزاق بر مسافه ده بولنه حق اولسه ایدی نثر ایده چکی ضیادن کره ارضمز کافی
درجه ده مستفید اوله میه حق ، هر طرفی برودت استیلا ایدرک بونک تاثیر یله ینه
بر یوزنده آثار حیاتدن برشی مشهود اوله میه جقدی .

ایشته بتون کائناده تجلی ایدن بونکی سر اثر قدرت ، عدالت الهیه نك بر اثر
یدایع نثاریدر .

از جمله کونشک ، اوکوبه پراحتشامک دائم مطالعی تبدیل ایدرک مختلف جهت لردن
اشراق یله بتون سکنه ارضی اشعه لطیفه سندن وایه دار ایتیمی ده عدالت سبحانیه نك
بر تجلی سندن باشقه دکلدر .

بتون عالم خلقتده حکم فرما اولان بو عدالت الهیه ، شبه یوق که او عالمک بر جزء
مکملی اولان جهان بشریتده اولانجه عظمت یله حکم راندر . ایشته بو عدالت جللیه نك
وجودی محسن اولان افراد بشریه نك نائل مکافات و مسمی اولان اشخاصک ده گرفتار
مجازات اولماسی اقتضا ایتکده در . بو مکافات و مجازاتک بحق تجلی ایتیمی ایچون ده
شبه سز باشقه بر عالمه ، باشقه بر جهان ابدیه احتیاج واردر که اوده عالم آخرتدر .
بو عالم آخرتک وجودی انکار ایتک ، عدالت مطلقه الهیه نك وجودی نفی
ایلک ، قدرت قاطره نك درجه عظمتنه دلالت ایدن بیکرجه اجرام بدیمه سماویه نك
هو وجودیتدن بی خبر بولمق دیکدر که هیچ بر عقل سلیم بونی تمجوز ایده مز .

مع مافیة السانلرک اعمال و افعالنه متعلق عدالت الهیه نك کمال ظهوری لحظه
دار آخرته مخصوص اولقله برابر بو عدالت ازلیه نك دنیاده ده متجلی اولدینی دائما
کورماکده در . از جمله بوکون هوا و هوسنه تبیت ایتیش اولان عالم بشریتک گرفتار
اولدینی مصیبتلر ، قانلی فاجعه لر ، آتشین محاربه لر بتون بو عدالت مطلقه نك بر
تجلی خفیه سی دکلدر ؟ .

[نظهر الفساد فی البر والبر البحر . . .] مابعدی وار

فتح درساملردن :

همر نصوحی